

**Broj** : 01-364 /15

**Dana** : 23.07.2015. godine

**SKUPŠTINA KANTONA SARAJEVO**  
**Služba za skupštinske poslove Kantona Sarajevo**

**PREDMET: Zastupnička inicijativa Amel Mekić, odgovor, dostavlja se;-**

Zastupnik Amel Mekić je na 3. Radnoj sjednici Skupštine Kantona Sarajevo, održanoj dana 27.05.2015. godine, u okviru tačke Dnevnog reda "Poslanička pitanja, inicijative i odgovori", a u skladu sa Poslovníkom Skupštine Kantona Sarajevo pokrenuo je zastupničku inicijativu.

**Zastupnička inicijativa:**

„Ponukan nedavnim gostovanjem glavne tužiteljice Kantonalnog suda gdje. Dalide Burzić, te detaljnim isčítavanjem i o radu Kantonalnog suda za 2014. godinu predsjednika gospodina Jahiefendića.

Mogu konstatovati da je napravljen dobar iskorak, no međutim to nije dovoljno.

Iskreno, ja se ne osjećam sigurno, kao ni većina sugrađana.

Gospođa Dalida kaže da su joj ruke vezane zbog ZKP FNIH kao i nekih kantonalnih zakona.

Zbog toga želim pokrenuti inicijativu.

**PREDMET:** Inicijativa za razmatranje načina predupražnjenja postupanja Tužilaštva i Suda na Kantonalnom nivou, sukladno ZKP FBIH sa ciljem otklanjanja ugrozbe sigurnosti građana sa urgentnim početkom sudskih postupaka. Dostavlja se kao preliminarni tematski materijal u smislu inciranja i razmatranja Skupštine Kantona Sarajevo.

Zbog svega navedenog, mi zastupnici se moramo uključiti stavovima zasnovanim na realnim pravno provodivim zakonima i pomoći funkcionisanje sudske vlasti i provedbe zakona u Kantonu Sarajevo.

Zbog čega sve ovo govorim.

U posljednje vrijeme inteziviran je između ostalog i porast izvršenja krivičnih djela, kao i nošenje i upotreba nelegalnog vatrenog oružja. Evidentiran je i porast nezadovoljstva građana koja se manifestuje određenim vidovima osobne nesigurnosti.

Ja ću se osvrnuti na elemente kriminogenosti ali isključivo iz ugla vremenskog aspekta, fokusiranog na momenat lišavanje slobode, izvršioca kaznenog djela, njegovog procesuiranja po pravilima ZKP FBIH, uključujući i određivanje pritvora te onih dešavanja u vezi sa tim.

U ovom konkretnom slučaju nije mi cilj tumačiti odrednice KZFBIIH u smislu visine kazne koja je zaprijećena za određena krivična dijela nego se fokusirati na jedan segment koji podstiče efikasnost, brzinu postupanja, kompletiranje dokumentacije, te čekanje optuženih lica na početak suđenja.

Naime u članu 145. ZKP detaljno je precizirano kad i na koji način se određuje pritvor u članu 146. ZKP su navedeni razlozi pod kojim se određuje pritvor koji obuhvata i vanredne okolnosti, dok je u članu 148. ZKP precizirana nadležnost za određivanje pritvora što je u implicitnoj zadaći suda na

prijedlog tužioca. Potom, slijede odredbe u vezi pritvora i to u članu 152. ZKP FBiH, 160. ZKP FBiH nadzor nad izvršenje pritvora itd.

Međutim nakon što je licu ukinut pritvor sukladno ZKP odlukom Suda optuženik izlazi na slobodu do početka suđenja. Taj period i pored sigurnosnih mjera koje se izriču za to lice, predstavlja potencijalnu mogućnost da on kao takav napravi ili pak pokuša napraviti uraditi radnju koja ima elemente krivičnog djela i kao takav izazvati strah i nemir u sredini koja ga okružuje.

Smatram za neophodno da es pokrene inicijativa kako bi se zakonskom procedurom donijele ili pak precizirale odredbe zakona koje bi ubrzale početak suđenja.

Stoga, predlažem, da se sa ove sjednice uputi predmetna inicijativa stvarno nadležnom ministarstvu i drugim organima i organizacijama, koji bi sukladno ovlastima koje imaju, pokrenuli postupak u citiranom pravcu i to bez odlaganja direktno, jer smatram da će se na ovaj način u potrebnoj mjeri osigurati prioriteto vladavina zakona“.

### **Odgovor na zastupničku inicijativu:**

Inicijativa se odnosi na dio krivičnog postupka koji je u isključivoj nadležnosti suda, iz kojih razloga smatramo da je Ministarstvo pravde i uprave Kantona Sarajevo jedino mjerodavno da se očituje po predmetnoj inicijativi.

Uvažavajući vaš zahtjev za naše izjašnjenje naglašavamo da je odredbama člana 81 Zakona o izmjenama i dopunama Zakona o krivičnom postupku F BiH propisano da će se glavna rasprava zakazati u roku od 30 dana od dana izjašnjenja o krivnji. Izuzetno, rok se može produžiti za još 30 dana.

Smatramo da je ovaj zakonski rok objektivna i da ga nije moguće dalje skraćivati ( pozivanja, pripreme odbrane i sl.), jer je ovim izmjenama i dopunama rok skraćen sa 60 dana na 30 dana. Stoga smo mišljenja da predmetnu inicijativu ne treba podržati, bez obzira na dobre namjere uvaženog poslanika.

Poslanik Amel Mekić se dijelom svoje inicijative referisao i na institut pritvora, te u vezi s tim naglašavamo da je pritvor Zakonom o krivičnom postupku F BiH detaljno razrađen. Poslijeratnom reformom krivičnog zakonodavstva usklađene su odredbe ovog Zakona sa najvišim demokratskim standardima o zaštiti temeljnih ljudskih prava, a posebno prava osoba lišenih slobode. U skladu sa ZKP F BiH pritvor se može odrediti samo pod uvjetima propisanim u ovom zakonu i samo ako se ista svrha ne može ostvariti drugom mjerom. Takođe je propisano da pritvor mora biti sveden na najkraće nužno vrijeme, a ako se osumnjičeni, odnosno optuženi nalazi u pritvoru dužnost je svih organa koji učestvuju u krivičnom postupku i organi koji im pružaju pravnu pomoć da postupaju s posebnom hitnošću. U toku cijelog postupka vodi se računa o prestanku razloga na osnovu kojih je određen pritvor, a zakonodavac je propisao kao obavezujući normu da će se pritvorenik odmah pustiti na slobodu čim prestanu razlozi na osnovu kojih je određen pritvor.

Odredbama ZKP F BiH su propisani razlozi za pritvor, nadležnosti za određivanje pritvora, trajanje pritvora u istrazi, ukidanje pritvora, pritvor nakon potvrđivanje presude, kao i ostali bitni segmenti u vezi sa pritvorom.

U vezi sa ovim zakonskim odredbama o pritvoru, mišljenja smo da su navedene odredbe u demokratskom društvu, kojem težimo i koje jesmo, u tom segmentu dovoljan pravni okvir za borbu protiv svih vidova kriminaliteta. Predmetna inicijativa bi, po nama, trebala prije svega otvoriti teme kao što su pitanje kaznene politike, te organizacija, kapaciteti, funkcionisanje i efikasnost Tužilaštva i sudova u Kantonu Sarajevo, a eventualno i tema o politici izvršenja krivičnih sankcija.

S toga smo mišljenja da se realizacijom ove inicijative, odnosno izmjenama i dopunama ZKP-a, ne bi postigao očekivani rezultat, sem što bi se na takav način dovela u pitanje institucionalna zaštita osnovnih ljudskih prava i narušio postignuti nivo demokratske krivičnog postupak.

**S poštovanjem,**

**MINISTAR**

**Predrag Kurteš**